

**Zeitschrift:** Schwyzerlüt : Zyschrif für üsi schwyzerische Mundarte

**Band:** 1 (1939)

**Heft:** 7-9

**Artikel:** Äs Zeichen : (Us Graubünden)

**Autor:** Fient, Georg

**DOI:** <https://doi.org/10.5169/seals-176846>

### Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Siehe Rechtliche Hinweise.

### Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. Voir Informations légales.

### Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. See Legal notice.

**Download PDF:** 29.03.2025

**ETH-Bibliothek Zürich, E-Periodica, <https://www.e-periodica.ch>**

## Äs Zeidhen. (Us Graubünden)

Ima zerstreuta Bärggmeindli - es ist jetz en Kurort - ist ämmal im Summer en alte Ma uf en Tod chrank gsin. Die Schinigen heinden natürli verpfläget so guet asch chönnen heind. Jetz aber ama Tag, nadämms lang nümme hübsch ist gsin un ma dHeuig elend verzöttern hed müeßien, ist denn ä rächt hübscha Tag chon, wa dLüt Hüfen Heinzá (Gstell für Heu oder Garbe ztröchne) uszettan und vermaladit inz leggen heind ghan. Dua hed natürli Groß und Klein ins Gued müeßien. Das hed der Chrank ganz guet begriffen und no sälber fortgmahnet anen. Sshi heind gseid, schi thüe jendma da näbet dem Bett än Pfänderläuf er offen, wyt fort sijendsch ja nid, und wemma allfällig gar schlächt wärdä sötti, so soll'r denn es Juzjy zum Fänster us thuen. Druf sindsch fort. Schlächter worden ist denn dem Chranka allerdings, aber um jutzen istma äswie notten nüd gsin. Aber wiesch am Abet hei cho sind, hed's dem Ehni au nümma weh getan, es istma dua für albig besser gsin.

Georg Fient. Us der „Schwizer Schnabelweld“.

## Wie s Gyrebad etdedkt worden isdt.

(Mundart vom „Chelleland“ - Zürcher Oberland).

I mäine do s Gyrebad bi Hiwil. S inner Gyrebad hät mer em früener gsäit, zum Underschid vom üssere bi Turpetal.

En Puur z Schauge-n obe häi allpott en Gäier gseh, wo det am Wäag gäge Bääretschnil ine Quäll abegfoge seig und däi padet hei. Schließli sei de Puur gwunderig worden und sei go luege, worum dee Vogel e so fliissig mües go bade. Er heb dänn gseh, däs de Gäier s äint Bäi hei lo lampe. Noch e paar Wuche seig das Bäi wider gsund gsi. Do häi dä Maa tänkt, vilicht seig das Wasser au guet für sini Gicht und häis gwoget, e chli i dere Quäll umezschwadere. Er sei dänn ganz verwunderet gsi, wie-nem das Bad guet to hei, und es sei nöd lang ggange, bis er wider ganz gsund gsi sei. Vil ander sind drum au go bade däi-ue und bald häts rendiert, es Badhus zbole. Dem Bad hät mer de Name ggee „Gäierbad“, wils en Gäier etdeckt hät. Der erscht Badbesitzer, wo mer kännt, hät im Afang vom 16. Johrhundert gläbt. Mit Name het er ghäisse Hans Wild, und s alt Hiwiler Taufbuech säit von em, er seig „ein gar gschmissiger (schneidige) Man“ gsi.

K. W. Glaettli. Us der „Schwizer Schnabelweld“  
Verlag H. R. Sauerländer & Co., Aarau.

## De Schindbüehler.

(Luzerner Mundart),

De Schindbüehler hed — win eisti im Heuet — mit sim einzige Chnächtli alls wellen erraggere. Einischt won er gseh hed, ass d Nochpuren abhockid und Znuni nänd, seid er zum Chnächtli: „Chumm, mer wänd au e chli abhocke, si meinid de, me nähmid au Znuni!“ Wo disi ufständ, stönd si au uf, und de Schindbüehler sohd wider aflo dryschwärten as wi nid gschyd. De Chnächt aber schlod si Sägessen ab und dueid hinderem Pur no mitem läre Worb deglychen, er mähji. — „Was tumme Tüfels machst au do?“ meint de Pur. — „He, isch nid glych“, seid de Chnächt ganz troch, „si meinid jo eitue, i mähji!“

Josef Roos : Ränk („No Fyrobigs“) Verlag Eugen Häag, Luzern.